

## Kon pa introdusí bo mes ora bo yega na un unidat domestíko durante AKO & FI 2024

Bon dia mi nòmber ta **Jacinta Martina** i mi ta un ekuestadó di Ofisina Sentral di Statistik, CBS. (mustra badge). Mi a bini pa hasi sra/sr i sra/sr su famia algun pregunta pa Enkuesta Forsa Laboral I tambe Inklushon Finansiero 2024.

### **Splika meta di AKO & FI :**

#### **Meta**

E meta di Enkuesta di Forsa Laboral (**AKO**) ta pa kolektá data aktual riba merkado laboral, (*manera empleo, desempleo, i partisipashon di e poblashon laboral*)

Aparte di esaki nos ke midi (e aña aki en koperashon ku Banko Sentral di Kòrsou) e grado di aksesibilidat na produktonan i servisionan finansiero aki na Kòrsou (Inklushon finansiero(**FI**)).

*Inklushon Finansiero: e ta enserá ku personanan i empresanan tin aksesu na produktonan i servisionan finansiero útil i aksesibel ku ta kumpli ku nan nesesidatnan - transakshonnan, pagonan, spar, krédito i seguronan - ofresé di un manera responsabel i sostenibel.*

#### **Grupo di enfoke**

**Tur hende** ku ta forma parti di un unidat domestíko ku ta **mayor di 15 aña** di edat (**AKO**).

**E persona den e unidat domestíko** ku lo ta e prome ku lo hasi aña kontando di e dia di e entrevista **I ku ta riba 18 aña di edat (FI)**.

sra/sr tin tempu awor aki pa nos hasi e entrevista?

1. Si e respuesta ta “si”?

Si: Por start e proseso di entrevista.

2. Si e respuesta ta “no”?

Ta bolbe splika e importansia pa partisipá na AKO & FI (check meta nan ariba menshoná).

3. Si e respuesta ainda ta “no”?

Nos por traha un sita pa un otro momento / dia?

a. Si e respuesta aki ta “si”?

Traha afspraak ku respondente

b. Si e respuesta aki tambe ta “no”?

I si no ta mira posibilidat pa konvense e respondente ta registra e unidat domestiko ku e respondente ta perteneser na dje komo un hende ku konsientemente no ke partisipa na senso (Harde weigering).

### **Splikashon meta di CBS**

Si e “respondente” puntra pa splika e meta di Ofisina Sentral di Statistik;

Ofisina Sentral di Statistik ta Informá komunidad riba e situashon demográfiko i sosial ekonómiko di Kòrsou pa medio di informashon estadistiko

### **Den kaso di deskonfiansa pa ku enkuestadó**

Si e “respondente” ta duda kue enkuestadó ta enberdat un enkuestadó di CBS;

Enkuestadó ta muestra su badge pa laga mira su potret, nomber i fam. Seguidamente enkuestadó ta pidi e respondente pa scan e Qr code riba e badge pa asina por konfirma ku enkuestado ta forma parti di e team di CBS.

Den kaso ku ta difisil pa e persona scan e QR code por pidi e persona pa yama CBS na 8392300/5202227 pa por konfirma ku enkuestadó ta forma parti di e team di CBS.

**Den kaso ku respondente puntra si ta obligatorio pa partisipá na AKO & FI**

**Si e ‘respondente’ hasi e pregunta tokante si e ta obligá pa partisipá na senso;**

Enkuestadó ta menshoná ku, pa lei, tur hende ta obligá di kooperá ku e investigashonnan di CBS i ku tin sanshon den kaso ku no kumpli ku e obligashon ei.

Sin embargo, no laga esei zona manera un menasa. Djis splika ku e obligashon ei t’ei pa por garantisá ku CBS por haña mas tantu reakshon posibel, pa asina e resultadonan di e investigashon por ta mas konfiabel. mustre riba Lei di Statistik )PB 2011, nr19). Si e mes ke lesa e lei e po download e akinan [Statistical Act 2011 nr. 19 \(Statistieklandsverordening PB, 2011 nr.19\) | Central Bureau of Statistics Curaçao \(cbs.cw\)](#)

**Den kaso ku respondente puntra tokante anonimidad**

**Si e ‘respondente’ hasi e pregunta tokante anonimidad di AKO & FI;**

**Enkuestadó ta menshona Artikulo 5 di Lei di Statistik (PB 2011, nr 19)**  
[Statistical Act 2011 nr. 19 \(Statistieklandsverordening PB, 2011 nr.19\) | Central Bureau of Statistics Curaçao \(cbs.cw\)](#)

4. Na final di entrevista ta kaba dor di gradesí e persona i/òf e famia pa nan partisipashon;

**Masha danki pa Sra/Sr su koperashon, nos ta apresia esaki.  
Resultadonan di senso CBS lo pubiká esakinan den medionan di prensa i riba su website, [www.cbs.cw](http://www.cbs.cw)**